

COMUNALE

II


A


2

1

DEGLI ARDENTI

VITERBO





.C XXII -

II A 2 1

- 11 A 2 1

VITA, MIRACULA,
& Missa propria sanctæ Rosæ,
ordinis fratrum minorum.

Cuius alium corpus conditum est in
alma Ciuitate Viterbij.



R O M A E,
Apud Hæredes Antonij Bladij Impressores Camerales.
M. D. LXVIII.

VITA, MIRACVLA, ET MISSA PROPRIA
sanctæ Rosæ ordinis fratrum minorum.

2

Cuius alium corpus conditum est in
alma ciuitate Viterbij.

Et primo quomodo beata Rosa fuit orta in alma ciuitate Viterbij.



INTER alias autem sacras Virgines de quibus non est hodie vsquequaque fama diffusa, fuit quædam puella sacra virgo nomine Rosa quæ quasi venusta cæli rore perfusa in Viterbiensi viridario fuit orta, & bene successit in vita, in virtutibus, & sanctitate dignum nomen. Nam quod leges clamant nomen debet esse consequens rei, in virgine Rosa eminet adimplerum. Nam sicut quidam flos Rosa super vernalib⁹ floribus pulchritudine hæc excelsior, sic virgo inter cunctas virgines alta sedet. Coniugatis continentibus altior erigitur saltem virginittatis scandore, cum eis felicior vita sit. Igitur sanctitatum longa mora virgo Rosa ceteras sanctas præcedit, vt Rosa flos alios præcedit quouis flores. Pascit quidē Rosa flos oculos pulchritudine immensam pascit etiā membra reliqua odoratione extensa, sic Rosa virgo pascit eam videntes sanctitatibus cunctos pascit. Nunc quoque relictarum virtutū suauitatis odoribus cunctos sanos. Quæ tempore sanctissimi domini nostri domini Alexandri Papæ quarti suum diem clausit extremum &c.

Prologus de narratione sanctæ Rosæ.



DE qua ad honorem primo illius cœlestis sponsi qui delectatur, & pascitur inter lilia virginalis pudoris septem coreis virginum puellarum, cui ab ipsa pueritia hæc sancta virgo castissimis amplexibus iuncta fuit consequenter vero ad honorem, & laudem ipsius Virginis Rosæ, ad cuius cōmendationem, & famā aliqua enarrabo quæ in quibusdā instrumētis antiquis a fide dignis, & deuotis personis relata inueni, atq; fideliter scripta sunt, supradicta, quæ personæ se a supradicta virgine Rosa audiuisse, & vidisse testate sunt.

A ij Ideoq;

Ideoq; sanctitates describere, & miracula beatæ virginis Rosæ omni
posse presenti volumine nos conamur, ne non perleat nigra vetusta
tis diurno nubilo scientium obtegant mentes, cum hominum memo
ria labilis feratur, & vana, iuxta quod ostendit moralis Seneca. Memo
ria nihil perdit, nisi id quod non sepe respexit. Ideoq; stilo etiam magre
dimur vitam mirā præfatæ Virginis relaxare nequeat latere posteros,
vt his scriptis ~~in~~ electione cognita, diligatur dilecta appetitur, &
appretiata dirigat, in imitationem sui quos cura beatitudinis semper
angit. Nam quidem si latuisset ignoraretur, & ignota nulla esset im
mitatio, nec cupido, quia illos quos nescimus nullatenus possumus,
imitari, teste in his beato Augustino: res incognita nō diligitur, ma
gis dilecta, magis appetitur, vt ait Boëtius: Quisnam cupit quod ne
scit, & iterum moralis Poëta quidam quod latet ignotum est, ignota
nulla cupido. Fateor, nec quidem posse connumerari cunctas virtutes,
Signa, & prodigia quæ dominus noster Iesus Christus beatæ Rosæ me
ritis operari dignatus est, etiā si membra corporis verterentur in lin
guas, sed nos de multis his pauca descripsimus. &c.



In pupillari ætate cepit hæc virgo Rosa, cum deuota
matre sua ad ecclesiam pergere, prædicationes autem
fratrum minorum frequenter audire, & verbum Dei
cum intensione mentali deuotè percipere: quam obrem
cepit mundum, & mundanorum dilubria spernere, cu
pidorum auaritiā deuotare, carnales, illecebras vehementer horrere.
Cepit. Insuper dominum Iesum Christum tota mente diligere, & ipsū
affici, & ei totis visceribus adherere; ac per hoc mundo, diabolo, & eo
rum pompis simpliciter, & inuocabiliter renunciare cepit. Ieiunijs cor
pus suum arcere, victum sibi subtrahere, subtractum pauperibus erro
gare. In procinctu autem tempus facta manu Domini super eam, cepit
prolixi languoris grauedine egrotare, in qua quidē valitudine tene
retur ab astantibus, iam morti propinqua subito apertis oculis cepit
loqui. Fatebatur autem circumstantibus sibi bonorum, & malorum
decedentium. Intuēti statim etiam nonnullas sorores quæ per viginti
annos ante ortum suum decesserat de hac vita, & quas nunquam vide
rat, cognitione clarissima cognoscebat, ac proprijs nominibus conuo
cabat. Sic igitur iacens in lectulo decubans. Florifera virgo Rosa, ap
paruit ei gloriosissima mater Dei monilibus immensis ornata, & tan
quam sponsa pulcherrima decorata corona, ex vtraque parte sui virgi
num vallata coreis quam intuens virgo Rosa sibi circumstantibus di
xit, vt tam incuriales estis, & qui tante vos tenent more, vt ei minime
assurgatis? surgite igitur, eamus obuiā ei; & protinus surrexit de lecto,
& cum

& cum præfatis sibi astantibus egressa est domum, & iuit obuiam re
ginæ matri Dei quam sic affata est dulciter virgo mater. Filia fra
gans Rosa, In summo assumens virginito cum alijs floriferis virgini
bus ab exordio complantata respice me mentalibus oculis sic orna
tam, & ad exemplar mei taliter te ornare nō differas, & sic ornata &
mulierum comitiua honesta associata, ecclesiam præcursoris Ioan
nis, & pauperuli confessoris Francisci deuotissime uisitabis; demū
ad ecclesiam sanctę Marię in Podio remeabis, & ibi in missarum so
lemnīs tonsuram recipias capillorum. Et depositis mundalibus ue
stimentis & ornamentis sicque induta cilitio, cordaq; tuis ascellis
succinta summi sponsi connubia celebrabis, quibus deuotē, & iam
laudibus Dei per actis admissio sic penitentię habitu ad domum pa
ternam redibis, ubique in santa conuersatione, habitu, oratione, & lau
dibus diuinis uocabis exhortationibus. Insuper proximorum fer
uenter insistes, insolentes, & ad fidei tramite exorbitantes uiriliter
& audacter omni timore postposito redargues. Et si propter hoc a
parentibus uel domesticis, uel extraneis redargutiones & incom
moda patieris patienter tollerare non desinas. Nam ex his meritum,
& post meritum & premium consequeris eternum. Illi autem qui
obsecundare uoluerint, gratias a Deo consequentur eternam & do
na. Qui autem contradixerint tibi, seu sperxerint & finaliter perse
uerauerint in fortuna creuenta resipiscant; & his dictis virgo mater
dei disparuit, &c.

*Capitulum quod sequitur competum est in quadam antiquissima & autentica
scriptura: ubi propter antiquitatem non poterat aliter legi principium
nec finis prout scriptum est de verbo ad uerbum,*



VM prædicta uirgo grauirer infirmata esset neque
aliquid ullus illorum uerbum ulterius diceret. Ince
pit uidere animas mortuorum & cognoscere illas
quas nunquam uiderat qui perierant in mundo an
tequam ipsa nasceretur per. xxx. uel xx. annos & no
minabat bonos & malos. Et hoc fecit die Martis us
que ad diem Mercurij. Die uero Mercurij in nocte cum mater bea
te uirginis & multe alie mulieres custodirent eam & crederet quod
ipsa emitteret spiritum & mater uellet sibi dare ad comedendum: &
beata uirgo dixit matri sue. Mater nolo comedere quia cras erit ui
gilia beati Ioannis Baptistæ, & continuo surrexit cum magno gaudio,
& laudat Dominum, & beatam uirginem Mariam, & beatam Annam

& omnes sanctos, & sanctas Dei, & rogabat Deū quod daret potentiam & virtutem Regi Franciæ perdendi illas gentes, & incontinenti se in terram, & in cruce se prostravit lugens adherens matri suæ. Mater, & omnes res, ac delicias huius sæculi tibi relinquo, & continuo rogauit matrem dicens. Mater volo quod domina Sita induat mihi tunicā, & cingat mihi cordulā, & tondat mihi capillos sicut clerico Et statim dicta dña Sita venit ad beatam virginem Rosam, & dixit illi. Non sum digna facere hæc quæ dicis. Et ipsa respondit, Beata virgo Maria præcipit mihi quod tu modo induas mihi tunicam de cilitio quā apud lecti sui habebat. Et ipsa domina Sita respondit et dixit. Filia permittite consanguineos tuos. Et virgo respondit. Beata virgo Maria præcepit mihi quod te instigem, facias quæ tibi dixi. Et mater dixit ipsi. Filia non habeo cordulam. Et ipsa respondit. Non habes vnā cordulā asini? Et mater fecit sicut ei præcepit. Tunc dicta domina Sita fecit quicquid sibi præceperat ipsa virgo. Postea vero virgo rogauit matrem suam, & dixit ei. Mater vade, & suscipe modo omnes mulieres de contrada: & hoc fuit de nocte, & mater dixit. Filia quis remanebit tecum? Et virgo respondit: Spiritus sanctus erit mecum. Et mater abiit & fecit præceptum beatæ virginis. Tunc omnes mulieres surrexerunt, & venerunt ad ipsam virginem. Et virgo dixit mulieribus. Venite omnes extra domum, quia beata virgo Maria venit extra. Et exierunt post ipsam, & ceperunt omnes sedere, & virgo sedebat in medio ipsarum, & incepit dicere mulieribus; Audite quia ego video sponsam Christi speciosissimā quam nemo vestrum videt: quæ sponsa venit ornata cum purpura splendida, cum corona aurea in capite plena gemmis, & lapidibus preciosis, quæ sponsa mihi præcepit quod ego ante vadā ornata ad beatum Ioannem, & postea ad beatum Franciscum, & reuertar ad ecclesiā beatæ Mariæ. Quæ omnia altera die fecit sicut sibi præceptum fuerat: & semper portabat Maiestatem Iesu Christi secum quocunq; ambulabat. Verū cū multitudo gentiū assidue veniret ad domum beatæ virginis ad videndum hæc quæ faciebat, pater cepit eidem virgini minari, & dicebat ei. Si hæc quæ facis non dimiseris omnes capilli tui capitis detruncabo; & virgo respondit. Non curo, quia pro nobis fuerunt pili barbæ Domino nostro Iesu Christo detruncati, & ego pro ipso hæc sustinere non timeo. Et pater dixit, Si nō dimiseris ego fortiter te ligabo. Et præfata virgo respondit. Et Dominus noster ligatus fuit ad columnā, & ego pro ipso ligari non timeo. Et dicebat patri suo cum magna deuotione, ac fortiter plorando. Pater noli contradicere mihi, si vero mihi non contradixeris, Dominus

Dominus noster Iesus Christus associabit te cum angelis suis in Paradiso, & si mihi contradixeris non dimittam pro hoc, quia dominus præcepit mihi quod hæc faciā. Et pater incepit plorare, & dicere, Filia fac cum benedictione. Et tunc Beata virgo dixit, Et auo, & presbytero, ac alijs ibidem astantibus suis, & præfata domina Sita Benedicite me in nomine Patris, & Filij, & Spiritus sancti. Amen.

Et continue mulieres veniebant ad dictam virginem, & ipsa accessit cum his qui secū fuerant ad ecclesiā, & dicebat ad illas. Quælibet vestrum, quamprimum vadat ad ecclesiam, & oret pro toto populo Christiano. Præterea cum Dominus noster Iesus Christus in cruce apparuit eidem virgini, & ipsa virgo in mente incepit extrahere capillos sibi, & percutere se in facie, & pannos sibi diuidere, & plorabat cum magna deuotione, & fecit se portare ad ecclesiam, & prostravit se in crucem, & dicebat ei plorando. Pater, quis te crucifixit? Et dum ita plorabat surrexit quidam dominus G. & traxit ipsam de ecclesia, & duxit ad domum suam. Quæ virgo cum ducta esset ad domum, tribus diebus se marturiuit plorās; postea vocauit matrem suam, & dixit ei. Mater porta mihi parum herbæ: & mater abiit, & portauit sibi aliquantulum de menta, & beata virgo dixit: pone super pectus meum, & dimitte stare, & ipsa virgo dimisit ipsam aliquantulum. Et postea accepit eam cum manu, & dixit matri. Mater accipe herbam istam & habes eam nimis caram, quia Dominus noster Iesus Christus benedixit eam super pectus meum, & benedixit mihi vnā ex alterius huius domus, quæ permanebit in monasterio meo. Et postmodum vero cum beata Rosa pergeret per ciuitatem Viterbij, & assidue cum cruce in manibus laudaret nomen domini nostri Iesu Christi, & beatissimam virginem Mariam, quidam qui tunc pro Imperatore Federico præsidebat Ciuitati Viterbij rogatus a quibusdam hæreticis, qui in eadem Ciuitate publice tunc temporis morabantur, quod eam extra ciuitatem expelleret, fecit venire ad se patrem beatæ virginis Rosæ, & præcepit eidem sub pœna bonorum omnium, & personæ, quod se de dicta ciuitate, vsque ad alium diem sequentem cum tota sua familia separaret. Et cum mater beatæ virginis ad domum reuerteretur, & hoc nunciaret familie suæ sicut præceperat ei potestas, pater dictæ virginis iuit incōtinenti ad potestatem, & rogauit dicens, Domine miserere mei, & familie meæ, quoniam si isto tempore exiremus de ciuitate, propter niues quæ iacent per montes, & valles omnes moriemur. Et dominus Potestas eidem respondit. Ideo vos expello vt omnes moriamini. Qui reuersus ad domum cum tota sua familia, & rebus suis exiit ciuitate

tate Viterbii, & semper nungebat, & iuerunt ad quoddam castrum quod Surianum nomine appellatur. Et cum perueniret ad dictum castrum beata virgo Rosa coepit dicere sicut sibi ab Angelo fuerat nuntiatum, quod antequam sint multi dies amici Dei habebunt magna noua, & hoc dixit in vigilia sancti Nicolai. Quae cum dixisset iuerunt noua Viterbij, non post multos dies, quod imperator Federicus debitum naturae exoluerat in Vigilia beati Nicolai. Post haec vero beata virgo separauit se de praefato castro, & iuit ad quoddam aliud quod Vitorchiano appellatur cum eius parentibus simul, & cum beata Rosa stetit ibidem per tres dies. Mares autem, & mulieres castri illius audientes famam sanctitatis illius susceperunt eam letabundo animo & deuoto. Et ut simplex erat simplici confabulatione exhortabatur illos ad depositionem vitiorum, & ad susceptionem bonorum operum, & sanctarum virtutum. At illi cum deuotione audiebant eam, & quotidie recipiebat ab ea monita salutis. Interea in castro praedicto erat quaedam mulier nomine Delicata quae ab ipsa sua natiuitate caruerat virtute visiva, quam quidem parentes ipsius ad virginem Rosam adduxerunt supplicantes obnixi, ut dignaretur pro ea orare, atque suis humilibus precibus Deo caris virtutem visivam qua a natiuitate carebat ei recuperaret. Virgo autem Rosae precibus eorum commota sese in orationem dedit. Facta autem oratione surrexit, & imponens manum lumen recuperauit optatum. Praeterea autem in eodem castro Vitorchiani erat quaedam haeretica perfida, quae contra fidem catholicam quotidie horrenda latrabat, & verbis virginis Rosae quantum poterat obstitabat. Sed virgo fidelis Rosa dictam haeticam veritatis iaculis feriebat, & arguendo, & disputando claris rationibus confutabat. Sed quid plura cum nec sic acquiescere vellet cogitauit virgo sanctissima Rosa conuertere eam per virtutem fidei sibi infusam, videlicet per ieiunia prolixi temporis spatio tracta ut euidenter haeretica comprehenderetur, & per viam naturae nullatenus fieri possent; quia propter obtulit se ieiunaturam viginti diebus in quibus nihil sumeret alimenti, & tamen virtute suae fidei absque lesione aliqua incolumis permaneret. Inquit haeretica. Lupi, & grues longo tempore abstinent, & viuunt, quod natura contulit illis, & tibi posset hoc ipsum conferre. Videns autem Christus fidelis quod haeretica illam, nec per rationabilia verba, nec per exemplaria facta poterat aperfidia reuocare fecit magnum ignem parari; & rogauit sacerdotes ut pulsaret campanas ad hoc ut populus conueniret ad tale spectaculum, & confidens de Dei clementia pro cuius fide, & lege certabat, in medium profluiuit eiusdem

eiusdem, & hinc inde pluries se reuoluens, flammarum globis vallata vndique tamdiu ibidem moram traxit, quamdiu ignis ille totaliter fuit extinctus. Finaliter inde exiens, & sospes coram haeretica gradiens dicti castri plebe astante absque lesione vestimentorum, & corporis sic illesa apparuit, ac si inter flores roridos commorata fuisset, clamans, & dicens. Iam deponere infidelitatem tuam, & deuota mente subde te legi diuinae. Ad cuius stupendum miraculum praua illa haeretica stupefacta, infidelitate deposita ad fidem Christi totaliter se conuertit, sicque populus cunctus adstans ad laudem prorupit altissimi, gratias Christo agens qui tantam virtutem virgini Rosae contulit.

Qualiter virginis beate Rosae corpus ad monasterium in quo stat exiliu deportatum.



Quoniam famula Dei mundo despicibilis reddebatur pro eo quod semetipsam despexerat, ut Christum lucraretur qui non nisi per humilia reperitur. Cum adhuc in carne viueret, & conuersaretur in domo paterna, venit ad Monasterium in quo nunc iacet, & petijt a monialibus ipsius recipi in consortium earumdem, & inter sacras virgines ipsa virgo soluto carnis debito ad sponsum quem auide sciebat perueniret. Dominum nostrum Iesum Christum: cui cum sorores responderent quia numerus dominarum receptarum erat completus, & sic non poterant eam recipere, sacra virgo ait. Scio namque scio quod ista non est causa, sed quia despicitis in me, quae Deus acceptat in omnibus, ut propter ipsum sapientes mundi sint stulti, & fiant sapientes, nam sapientia huius mundi stultitia est apud Deum. Sed hoc vobis notum sit, quia quam contemnitis habere viuentem gaudebitis habere defunctam, quam & habebitis. Quid plura? cotingit sacram virginem ex hac vita migrare, & sepeliri in Ecclesia Sanctae Mariae in Podio, ubi iacuit decem, & octo mensibus, statimque cepit corrumpi miraculis. Et quia decens erat, ut quam Deus glorificauerat in caelis, mundus coleret in terris, necnon & ut sua prophetia impleretur qua prophetauerat de sepultura sua infra octo dierum spacium ter apparuit summo pontifici domino sancto Alexandro Papae quarto, qui tunc cum curia degebat Viterbij, dicens ei in visione. Quoniam complacuit Christo computare me infra numerum ancillarum suarum, tu cuius vices tenes in terris ne differas facere quae facere debes, sed cito pergens ad Ecclesiam Sanctae Mariae

in Podio corpus meum inde leuabis, & portabis ad Monasterium
Sæcte Marię ordinis sanctę Clare; quia ibi debet esse locus meę quie-
tis, & cū Papa primo, & secūdo neglexisset, tertio monitus intellexit
diuinum esse miraculū: surrexit protinus mane, & personaliter cū
quatuor Cardinalibus accessit ad preostē suū locū, & inde offerēs
sacrum corpus ad Monasteriū de quo fuerat monitus deportauit.
Tantamque deuotionē concepit ad ipsam, quod nisi quia oportuit
eum Romam accedere canonizasset eam sicut ipse proprio ore di-
xit monialibus ipsis. Post vero exhumationem dicti sacri corporis
fuit assertum a multis quod in sepulchro eius fuerat inuentum mā-
na in modum olei.

Fuit autem virgo præfata tantę puritatis & misericordię in pau-
peres Christi vt cumyna dierum panes pauperibus erogandos
ex domo parentū portaret vt solita erat & consueta, ad mandatum
patris, interrogantis quid nam in sinu deferret absconsum, illa illi-
co sinu aperto, et patefacto cum summa obedientia eius sinus Ro-
sis diuersorum colorum plenus apparuit, intantum vt diuina in eā
continuo super venientē clementiā aues ad eam dum comedebat
accurrerent, & micas panis in eius sinu manducarent. Quę virgo
tanta omnipotentis Dei gratia suffulta in eius pueritiā cū alijs puel-
lis se cōferret ad fontē, cum amphora pro aqua exhaurienda vt mor-
tis est, vni illarum puellarum amphorā quā portabat rumperetur,
& in plurima frustula diuideretur, increpta ab eius parentibus prout
puellā præfata falso retulerat quod beata Rosa huic casui more pu-
ellarum præstiterat occasionem, accesserunt ad locum vbi amphora
rupta erat, & eius frustis & particulis simul, reductis meruit virgo
præfata vt omnipotens, deus eius potentiam demonstrauerit super
eam vt tot frustula hinc inde conspersa, & diuisa ad primum locum
eorum adducerentur ac si nunquam rupta fuisset. Et sic amphora pu-
ellę restituta est integra & sana absque aliquo nocumēto, & defectu
ex gratia omnipotentis Dei dictę beatę Rosę meritis exigentibus.
Propter quā meruit Etiam virgo præfata cum semel a quadam eius
commatre esset sibi furto subtracta quædā gallina storina & per præ-
dictam commatrem id negaretur summi Dei iustitia voluerit quod
in dextra parte vultus sui pennę eiusdē coloris subtractę gallinę vi-
sibiliter apparerent quę propter hanc nouitatē sibi cōtingentem &
occursū furtū gallinę cōfessa dictę virginī eius cōmatri, pennę illico
ex eius facie miraculose disparuerunt, ppter quā signa & miracula
ab omnibus tunc estimabatur Virgo Rosa in sanctam mulierē ven-
turam si viueret cū tantā gratiā in eam summus deus infunderet.

Quoddam

6
Q Voddam namque tempore quidam Andreas nomine qui per
multa tēpora cæcus existens a virgine Rosa rogabat suffragiū
vt pro se ad dominum intercederet; illa autem vt pia erat pectore
compassa misero illi pias ad dominum pro eo præces fundit quibus
fulis lumen sibi restituit quo carebat.

Q Viddam indeuotus & furibundus vir, & preceps totus in ver-
bo & facto suo virginem Rosam diuina eloquia proferentem
percussit in brachio, ad quem virgo conuersa vaticinando dixit, hinc
ad tres dies apparebit manifestum in corpore tuo per quod ab alijs
hominibus discernaris. Vere sic accidit, nam adueniente die tertio
omnes pili tam de capite, quam de facie necnon de toto corpore ce-
ciderunt: ita quod non homo sed quoddam monstrum turpissimum
videbatur.

Q Vidam clericus vltromontanus in Archiepiscopum fuit electus
qui recepto decreto suę electionis & accepta electione pro sui
præfulatus confirmatione ad Romanam curiam properauit; cui pro-
pitiū æmuli astiterunt contra eum de sua electione iurgantes & op-
ponentes articulos & rationes suas libellos & exceptiones suas plu-
rimas offerentes, quæ ex re prorogata fuit causa ad plures annos pp-
ter, quā dilationem oportuit dictū clericū in curia Romana trahere,
& nihilominus in sumptis consumere quicquid pecunię secum tu-
lerat, quæ propter factus est pauper & de Roma & Romana curia
tamquam desperatus recessit. Veniens autem Viterbium hospita-
tus est ibi & cū in stratu suo de nocte quiesceret, cogitationibus plu-
rimis fatigatus cepit paululum dormire; in ipso autem somno re-
uelatum fuit sibi quod si recommendaret causam Deo & virginī sa-
crę Rosę & votum emitteret de honore aliquo propter deum impen-
dendo consequeretur suę electionis confirmationem: qui surgens a
somno taliq̃ue oraculo monitus illico mane facto ad ecclesiam san-
ctę Rosę perrexit, & corpus eiusdem sacrę virginis a monialibus
cōmorantibus in monasterio dictę ecclesię sibi supliciter poposcit
ostendi; quo viso & humiliter venerato retulit monialibus ibidem
existentibus totam seriem visionis præfatę; immediate post narratio-
nem visionis prædictę corā astantibus monialibus illis dictus electus
emisit votum quod si de causa sua meritis beatę Rosę reportaret in-
tentum Rosam auream ad monasteriū ipsum perenniter destinaret:
& emissio voto ad hospitium est reuersus. Mira res; statim post su-
um de Monasterio recessum nuntius de curia veniens sibi occurrit
deferens literas quod deberet pro sua causa ad Urbem reuerti: qui
gratias Deo referens et virginī sacrę Rosę sumpta refectione pariter
quo

quo venerat remeavit constitutus coram summo pontifice exposuit humiliter causam suā, & explicata statim fuit in Archiepiscopum confirmatus. Qui Viterbium veniens duas rosas secum detulit, vnam de puro auro, aliam de argento, quas ambas cum multa deuotione & gratiarū actione virgini Rosæ obtulit, & se spondit auream Rosam perenniter mittere, quod & fecit dum vixit, cessante postmodū vita quieuit tributum.

Quidam autem vir Theutonicus virginis Rosæ deuotus ob deuotionis causam corpus visitauit eius, quo visitato & debite venerato affatus est monialem illam cui commissa erat cura custodiendi sacrum corpus, dixitque ei, Si vna ex vnguibus digitorum manus huius virginis dederis mihi tantam tibi pecuniam dabo. Illa autem pecuniæ dono allecta vnam de vnguibus digitorum manus virginis violenter euulsit & Theotonico illi dedit, qui pecunia pacta exhibita vnguem cum deuotione magna suscepit & eam in mundissimo loco reconditam in Alamaniam transportauit. Monialis autem prædicta cernens quod sacrilegium quod commiserat bono modo regi non poterat, pro eo quod ex digito exunguato patenter quædam difformitas resularet, cepit cogitationibus varijs interiorius excruciarī considerabat fore factum esse enorme & deforme facto in breui sibi dispēdium innuere. Quid faciat nescit semper, per deuia currens & errans & errando vultus doloris habebat. Videns autem omne humanū subsidium sibi deficere recursum habuit ad patrociniū illius quā leserat videlicet ad virginem Rosam ad cuius pedes se sponte prostrauit cum lachrymis recognoscendo humiliter culpam suam, promittendo nihilominus quod nunquam imposterum talia vel similia faceret ac tentaret. Et surgens ab imploratione suffragij respexit amaro animo & facie verecunda manum quam sua auaritia deturparat. Et vidit vnguem in proprio digito renouatam, alijs quidem vnguibus tendentibus ad nigredinem, illa sola albedine retinente. Ad quod miraculum monialis illa stupefacta pariter & conterrita deposita verecundia abbatissæ & monialibus alijs rem gestam prout se habuerat fideliter reuelauit. Hæc ego qui istud miraculum descripsi occulta fide recolo me vidisse.

Quodam namq; tempore cum quidam Theutonicus in partibus suis valde famosus & diues apud Venetias se ageret casu accidente duorum luminum amisit visum: cumq; magnam substantiam consumpisset in medicis nec adipisci valeret quod anxie quærebat scilicet vt liberaretur a cecitate, vnde reddebatur valde tristis subito venit ei in mentem qualiter beata Rosa quæ ab Alamanis colitur & habetur

7
habetur in reuerentia magna, pro eo quod a referentibus dicitur quod in partibus illis operatur multa miracula: cui virgini cū se tota quæ poterat deuotione recomendaret promittens ei quod faceret in terra sua capellam ad honorem ipsius virginis Rosæ si eum a cecitate liberaret, statim his per actis qui cæcus erat lumen recepit, & in laudem omnipotentis Dei & beatæ virginis Rosæ se prorupit.

Alio quippe tempore nobilis quidā de Narnia Iuuenalis Antonij dum in turri dictæ ciuitatis & incarceratus detineretur, & cum eo duo alij scilicet Reueratus & Peregrinus; ipse Inuenialis qui pluribus annis fuerat officialis Viterbij, & nouerat virtutem sanctæ virginis Rosæ, se ei cum multa fiducia recommendauit in ipsa custodia. Cui apparens ei famula dei ipsum Iuuenalem absoluit, & vt patētius etiam claresceret miraculum, claustris non apertis solutum toto illico constituit.

A Diuro insuper vos qui perlegitis deuota virginis Rosæ ne relinquatur quæ referenda putauī, maxime nobilem quandam dominam de Viterbio morbis ita quassatam quod ab omni fere sensuali virtute relictā physicis testibus signa dabat mortis potius quam salutis sperandæ. Nam debilis erat ei pulsus ac anhelitus, oculorumque pupilla occultabatur & per corpus labeatur sudor paruus & frigidus. demumque ipsa in nouissima euolutans corde valitudinis præsidia exoranda præcipue auxillium meritum beatissimæ Rosæ virginis deuotissime implorauit. exauditaq; in prece sua Dei gratia sacre Rosæ meritis quasi euulsæ sensuales rediere virtutes & post de languore mortifero.

Imprimis quod sunt anni decem & octo vel circa, cū quædam mulier nomine Catherina de Castro Vasci moram trahēs in vrbe apud sanctum Angelum haberet filium quendam nomine Iacobum qui mortuus iacuerat per aliquod spatium, quæ Catherina mater cū etiā haberet maximam deuotionem ad dictam gloriosam virginem Rosam summa cum lachrymarum abundantia, & reuerentia, vouit dictæ beatæ Rosæ vt dignaretur preces effundere ad omnipotentē deū vt eius precibus & meritis eius filium de morte suscitaret ad vitam, vouens ac promittens eius ecclesiam & corpus venerabile cum dicto filio suo sic mortuo visitare cum quodam cereo, qui quidem Iacobus puer mortuus illico facto voto de morte ac vitā suscitatus est. Quæ Catherina cum negligens esset exequi dictum votum apparuit ei noctu dum vigilaret prælibata gloriosa Rosa dicens. Comple diligēter votum tuum, vade Viterbium ad domum meā. Quæ Catherina hac visione perterrita & stupefacta respōdit, & dixit. Quis es tu? quæ

quæ sic interroganti respondēs ait. Ego sum beata Rosa virgo quam Episcopus Romanus recepit, & illico his dictis ab eius oculis euauit. Quæ domina Catherina sequenti mane cum dicto Iacobo eius filio versus Viterbium iter arripiens eius votum prout promiserat cum magna deuotione adimpleuit præsentibus, Nardo mazatoste & monialibus, &c.

Mortuus quidam resuscitatur.



Anno domini. M. cccc. xix. Menicus Marcuualdi de Viterbio mortuus in terra iacens in terra iuxta patriæ cōsuetudinem, quam pluribus ibidem stantibus ante funus mortui Menici, Conella vxor ante corpus beatæ Rosæ cōstituta humiliter orauit vt suscitaretur Menicus eius vir suis præcibus & meritis de morte ad vitam, promittens pingi facere dictum miraculum in cassa vbi tunc ipsa gloriosa iacebat. Quo voto facto rediens domū mulier maritum viuum reperit & de morte ad vitam suscitatum, qui superuixit per annos plures; quod miraculum depictum apparet in dicta cassa prout Petrus Angelus Nicolai de Viterbio pluries recēseri audiuit a Matheutia matre eius & filia dicti Menici sic resuscitatus & iōne magistri Anselmi testibus, &c.

INCIPIT MISSA BEATÆ ROSÆ virginis ordinis sanctæ Claræ.

Introitus.



DILEXISTI institiam, & odisti iniquitatem. Propterea vnxit te Deus tu⁹ oleo lētitia præ cōfortibus tuis.
Psalms. Eruſtauit cor meum verbum bonum.
Dico ego opera mea regi. *Vers.* Gloria Patri, & Filio, & Spiritui sancto, Sicut erat &c.

Oratio.

DEVS qui beatā Rosam sanctarū tuarum virginum choro aggregare dignatus es, tribue nobis quæsumus vt eius meritis, & præcibus a culpis omnibus expiamur, & tuæ Maiestatis consortio perfrui mereamur æterno. Per Dominum nostrum.

Leſtio libri Sapientie.

Domine Dus meus exaltaſti ſuper terram habitationem meam, & pro morte defluentem deprecata ſum. Inuocaui dominum patrē domini mei; vt non derelinquat me in diē tribulationis meę, & in tempore ſuperborum ſine adiutorio. Laudabo nomen tuum aſſidue; & collaudabo illud in confeſſione; & exaudita eſt oſo mea. Liberaſti me de perditione, & eripuſti me de tempore iniquo. Propterea confitebor tibi, & laudem dicam nomini tuo, Domine Deus noſter. Deo gratias. *Graduale.*

Hæc eſt virgo ſapiens, & vna de numero prudentum. Alleluya. *Vers.* Alleluya. Adducentur regi virginēs poſt eam proximę eius offerentur tibi. *Secundum Mattheum.*

In illo tempore. Dixit Ieſus diſcipulis ſuis, parabolā hanc. Simile eſt regnū cælōrū decē virginibus, quæ accipiētes lampades ſuas exierunt obuiam ſponſo, & ſponſæ. Quinque autē ex eis erāt fatuę, & quinque prudentes. Sed quinque fatuę acceptis lampadibus non ſumpſerunt oleum ſecum. Prudentes vero acceperunt oleū in vaſis ſuis cū lampadibus. Morā autē faciente ſponſo dormitauerunt cęs & dormierunt. Media autem nocte clamor factus eſt. Ecce ſponſus venit: exite obuiam ei. Tunc ſurrexerunt omnes virginēs illę, & orauerunt lampades ſuas. Fatuę autem dixerunt. Date nobis de oleo veſtro, quia lampades noſtrę extinguuntur. Reſponderunt prudentes dicentes. Ne forte non ſufficiat nobis & vobis; ite potius ad vendente et emite vobis. Dum autem irent emere venit ſponſus, & quæ paratę erant intrauerunt cum eo ad nuptias, & clauſa eſt ianua. Nouiſſime vero venerunt & reliquę virginēs dicentes. Domine domine aperi nobis. Ad ille reſpondens ait. Amen dico vobis, nescio vos. Vigilate itaq; quia nescitis diē, neque horā.

Offertorium.

Filiæ regum in honore tuo Aſtitit regina a dextris tuis in veſtitu de aurato circumdata varietate. *Secreta.*

Sacrificia domine Deus, quę in honore beatæ virginis tuę Rosæ hodierna diē tuę offerimus maiestati, ſint tibi meritis eius accepta, & ad noſtrarū tranſeant animarum ſalutem. Per dominum noſtrū Ieſum Chriſtum filium tuum, &c. *Communio.*

Diffuſa eſt gratia in labijs tuis. Propterea benedixit te deus in æternum.

Post Communio.

Omnipotens ſempiternę Deus clementiā tuam ſuppliciter exoramus vt meritis beatæ Rosæ virginis tuę ſacramenta quæ ſumpſimus

sumpsimus a nobis noxia cūcta repellant & nos tuis repletos donis
dignos efficiant. Per dominum nostrum Iesum Christum filiū tuū.

Oratio Spiritus sancti.

DEus cui omne cor patet, & omnis voluntas loquitur, & quem
nullum latet secretum, purifica animas, & cor nostrum per in-
fusionem Spiritus sancti, & meritis beatæ virginis Rosæ, vt te per-
fecte, diligere, & digne laudare mereamur. Per Christum domi-
num nostrum.

F I N I S.





BIBLIOTHECA